



Qaasuitsup kommunia Utoqqarnut Siunnersuisoqatigiit

Illoqarfik najugaq:

Utoqqarnut Siunnersuisoqatigiit malittarisassat:

§ 1. Utoqqarnut siunnersuisoqatigiit, Qaasuitsup Kommuneata inunnik isumaginninnermi ataatsimiititaliaata ataani inissisimassaaq.

§ 2. Qaasuitsup kommuniani illoqarfiit tamarmik utoqqarnut siunnersoqatigiinnik peqassapput

§ 3. Siunnersuisoqatigiit 7-nik ilaasortalik ukunannga inuttaqassaaq:

- Utoqqaat peqatigiiffianit ilaasortat pingasut, peqatigiiffiup namminneq toqqagai.
- Inunnik isumaginninnermi ataatsimiititaliap toqqagaa ataaseq, ataatsimiititaliameersuunis-saa piunasaqaataangilaq. (siunnersuutigineqarpoq Inunnik isumaginnittoqarfiup utoqqar-nut sullissinnermi siunnersortaa ilaasortaatinneqassasoq)
- Angerlarsimaffimmi ikiortit ningiuat – atorfimmut atatillugu ilaasortaassaaq.
- Kommunimi Utoqqaat illuata / Plejehjem –ip pisortaa – atorfimmut atatillugu ilaasortaas-saaq.
- Utoqqarnut sammisaqartitsiffimmi ningioq atorfimminut atatillugu ilaasortaassaaq

§ 4. Siunnersuisoqatigiinni ilaasortat kommunalbestyrelsimut qinersereernerup kingorna – imatut paasillugu, ukiut sisamakkaartumik – toqqarneqartassapput, qinersiviulli iluani siunnersuisoqatigiit atuuffiisa iluani immikkut pisoqartillugu, imaluunniit ilaasortaqq pissuteqartumik tunuarniuteqarsi-mappat, nutaamik ilaasortanngortitsisoqartassaaq, peqatigiiffiup aallartitaqartup imaluunniit ataatsimiititap ilaasortaataqartup isumagisaanik.

Stk. 2. Siunnersoqatigiit nammineerlutik suleriesissartik aqqissuutissavaat.

Stk. 3. Siunnersuisoqatigiit inunnut ataasiakkaanut ajornartorsiutinik tunngassuteqartunik oqallif-fiunngilaq.

§ 5. Siunnersuisoqatigiit siulittaasumik, siulittaasullu tullianik toqqaasassapput. Immikkut ittumik pisoqartillugu sukkulluunniit siulittaasussamik, aammalu siulittaasup tullianik nutaanik toqqaaso-qarsinnaavoq.

Stk. 2. Siunnersoqatigiit siulittaasussartik nammineerlutik iluminni qinissavaat

Stk. 3. Inunnik isumaginnittoqarfimmi utoqqarnut sullissinnermi aqutsisoq siunnersuisoqatigiinni aalajangersimasumik allatsitut inissisimassaaq.

§ 6. Siunnersuisoqatigiit minnerpaamik ukiumut sisamariarlutik ataatsimeeqatigiittassapput. Ataatsimiinnermi imaqarniortoqartassaaq, siunnersuisoqatigiinni ilaasortanut tamanut agguanneqar-tartussamik.

Stk 2. Tusarniaaneq pisariaqartitsineq malillugu ingerlanneqartassaaq, minnerpaamille qinngaafiup ataatsip iluani marloriarluni ingerlanneqartassalluni

§ 7. Siunnersuisoqatigeeqarnerup siunertarivaa, suliani utoqqarnut pingaaruteqartunik suliassaqartillugu, siunnersuisoqatigiit inunnik isumaginninnermi ataatsimiitsitaliamiit tusarniaavigineqartassammata, aammalu siunnersuisoqatigiit utoqqaat atugarisaat illoqarfimmi najukkami imaluunniit kommunimi pillugit pitsanngorsaatinut siunnersuuteqarsinnaatitaassapput aalajangiisinnaatitaanattilli.


Stk. 2. Kommunalbestyrelsi sinnerlugu Inunnik isumaginninnermi ataatsimiititaliaq suliani aalajangiisussaataavoq .

Stk 3. Siunnersuisoqatigiit tusarniaavigineqarneranut atasumik, Utoqqaat peqatigiiffiik tusarniaa-nissaq minnerpaamik qinigaaffiup atuuttup iluani marloriarluni katersortitsinikkut isumagineqartassaaq.

Stk. 4. Paasissutissanik nutaanik takkuttoqartillugu, saqqummiussisarnissaq piffinni najukkani tu-saatit aqqutigalugit ingerlanneqartassaaq..

§ 8. Siunnersuisoqatigiit Qaasuitsup Kommuneata inunnik isumaginninnikkut immikkoortortaqaarfia-ta katitigaanerata aaqqissuussaaffigineqarneratalu ataani ataatsimiititatut / siunnersuisoqatigiittut aalajangersimasumik inissisimanissaa piumasaqaataavoq.

Ilulissat, ulloq 23. juli 2009



Bendt B. Kristiansen
Ataatsimiititaliami siulittaasq



Magga Fencker
Allaffissornikut pisortaaneq

